



Uunga siunnersuut: SIKUKI Nuuk Harbour A/S aamma Nuummi umiarsualiviliorneq pillugu Inatsisartut inatsisaat nr. xx, xx.xx. 2015-imeersoq.

(Naalakkersuisut siulittaasuat)

Siullermeerneqarnera

Aningaasaqarnikkut ingerlatsineq pillugu nalunaarusiaq 2015 pingaarutilimmik Naalakkersuisut aningaasaqarnerput pillugu siumut sammisumik tikkuussisuummat uani immikkoortumi oqaaseqarnitsinni Partii Naleqqamiit aallaavigikannerniarparput.

Naalakkersuisut sammisamut attuumassutilinnik imatut oqariartuuteqarput:

Qupperneq 17-imi Naalakkersuisut ilaatigut imatut oqariartuuteqarput:

”Sulisartorpassuit akissarsiaasa nalingi ukiut arlallit ingerlaneranni appariartortut, tamatumuuna soorunami sulisartut atuisinnaanerat killilerneqartarpoq.”

Taamaattumik Partii Naleqqamiit eqqaasitsissutigeqqissavarput qanorluunniit avataaniit aningaasalerniarneqaraluartillugu akiliisussat ataasiinnaapput tassalu – inuiaat kalaallit. Qulaanilu inerniliinerata ersersippaa akiliisinnaassuseqarnerat appariartortoq.

Qupperneq 20-mi Naalakkersuisut ilaatigut imatut oqariartuuteqarput:

”Nuummi umiarsualiviliornissap Royal Arctic Linellu umiarsuanik nunaqarfiliartaatinik sanaartornissamut pilersaarutaata 900 mio. kr.-it miss. Taarsigassarsinikkut aningaasalersorneqarnissaata kinguneraa.”

Partii Naleqqamiit ilimagaarput kisitsisit ukua taajorneqartut misilittakkat tunngavigalugit 900 mio. kr-t miss. miliaarti sinnerumaara. Qulaani allatat innersuussutigissavagut.

Qupperneq 49-mi Naalakkersuisut ilaatigut imatut oqariartuuteqarput:

”Tamanna assigalugu Royal Arctic Linep misissoqqissaarneqarnissaa 2015-imi ingerlanneqassasoq eqqarsaatigineqartoq. Misissueqqissaarnerup ilaatigut imarissavai ingerlatseqatigiiffiup suliaqarfiisa aningaasartuutigisartagaasalu qulaajarneqarnerat, assartueriaatsip maannalu imaatigut angallasseriaatsip misissoqqissaarneqarnera, suliaqarfimmi unammilleqatigiinnissamut naliginnaasumik periarfissanik nalilersuineq kiisalu inatsisitigut tunngaviusutut atuuttut qulaajarneqarnerat.”

Partii Naleqqamiit eqqumiigilluinnarparput inuiaqatigiit taama aningaasarpassuarnik nalilinnik pituttorialugit – toqqusasseriarlugit, aatsaat kingorna assartueriaatsip misissorneqarnissaa – ila talittarfissualiunnginneq sioqqullugu tamanna pisussaangilaa? Sulianik tulleriaarineq paatsiveqanngitsoraasiit Naalakkersuisut uppernarsisippaat, tassuunalu suliatik suunersut nalulluinnaraat.

Qupperneq 52-imi Naalakkersuisut ilaatigut imatut oqariartuuteqarput:

”Sikuki, Nuup umiarsualivia Nuummi umiarsualiviliornermut atatillugu ilimagineqarpoq umiarsualivimmik nutaamik pilersitsinermi ingerlatsinermilu aningaasartuutit Royal Arctic Linemi taarsiissutaasunik sipaaruteqarnikkut suliaasaqarfimmilu allatigut pisariillisaanikkut matussuserneqarsinnaassasut.”

Taavalu aamma Naalakkersuisut Martsip 11-ani immikkoortoq 73, ima qulequtalik saqqummiuppaat:

“Umiarsualiviit pillugit Inatsisartut inatsisaat nr. xx, xx. xx 2015-imeersoq.”

Tassani quppernermi 13-imi immikkoortoq 6 imatut qulequtalimmi: Innuttaasunut sunniutaasussat, paatsoorneqarsinnaanngitsumik imatut inerniliisoqarpoq:

”Qanorluunniit pisoqaraluarpat innuttaasut taamaattumik atuinermut nioqqutissat, sanaartornermut atortussat, maskiinat allallu usit umiarsuarmik assartorneqartussat akiisa qaffangaatsiarnissaat misigisussaavaat.”

Taassumap saniatigut aamma Immikkoortoq 73-imi missigiunneqarpoq aserfallatsaalinermit kinguaattoorutit manna tikillugu 84 miliuuni koruuniussasut.

Taamaattumik Naalackersuisut aperisariaqarpagut suna eqqortuunersoq? Tassami uani nassuiaatini immikkoortoq arferngani allaqqammat aningaasaqarnikkut talittarfiliorderup akitsortitsinermik kinguneqartitsinavianngitsoq.

Taamaattumik tusarniaasimanermi akissutini Qeqqata Kommuuniata mianersoqqusilluni akissuteqarnera Partii Naleqqamiit isumaqatiginaqaaq maluginiarneqartariaqarlunilu.

Partii Naleqqamiit eqqaasitsisutigeqqillarpur politikikkut sulinitinni anguniakkatta pingaarnersarisariaqaraa inuiaqatigiinni atugarissaarnerulersitsinermik aqutissiuussinissarpur, aamma eqqaasitsisutigeqqillarpur aqqissuusseqqinnissamik siunertaqarluta suliaqaratta, unalu talittarfiliorderneq aqutseriaasitoqqap innuttaasunut akisuupilussuup naapertuutinnittullu asuli aqutsinerlunnermik annertunerusumik aqutissiuussiinnartussaammat.

Partii Naleqqamiit assorsuaq ernumagaarpur pappialarpassuit misissoreerlugit una nunatsinni inuuniarnikkut artornareeqisumi suli artornanerninngortitsiinnarumaartoq, tamannalu Partii Naleqqamiit akuersaarsinnaanngilluinnarpurur.

Inuiaqatigiit sallunaveeqqutitut tiguniarneqarpur allarpassuarni aamma suli sallunaveeqqutitut tigummiarneqareerlutik.

Iluanaartussat tassatuaappur Jyllandip avannaani inuussutissarsiortut, kalaallillu pilliuteqaqqillutik, taamaattumik kukkuneq suli annertusarnera akuersaarnanngilaq, ernumatitsinermik pilersitsisariaqarpoq ajoraluartumillu una suliaq aallartereersoq unitsinneqarsinnaajunnaarnikuuvoq – inuiaqatigiit kalaallit akiligassaat. Eqqaamassuarpur avataaniilluunniit aningaasalersorneqaraluarpat akiliisussat tassatuaappur uagut kalaallit inuiaqatigiit.

Taamaattumik una siunnersuut tunngavialu tamaat Partii Naleqqamiit tapersersorsinnaanngilarpur, isumarpullu tassaavoq aqqissuusseqqinnermik pilersaarutit anguniakkat aatsaat atugarissaarnerulersinermik kinguneqarnissaat qulakkeeqqaarlugu alloriarnerit aningaasarpassuarnik atuinerit taamaattut aalajangiiffigineqartariaqaraluartut.

Aqutsinerlunneq akisunaarpallaaleqarpur, ilorraap tungaanut saattariaqalerpugut unalu siunnersuut taamatut siunertaqanngilaq.

Qujanaq.